



Jens Napãtôk, Partii Naleraq
Upernavik, 24. januar 2024

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Sooq-una utoqqaat aappaasup isertitai apeqqutaatinnangit utoqqalinersiuteqalernissaat 1. januar 2024-imiit atuutilersinneqanngitsoq ?**
- 2. Sooq-una utoqqaat kisimiittut utoqqalinersiutit saniatigut immikkut tapermik pisarsimangaluartut immikkut tapermik pisinnaajunnaarsimasut ?**
- 3. Utoqqaat pilersueqatigiittussaataitanerat suli atuutsinneqaramii ?**

(Inatsisartut Ilaasortaq, Jens NapãtôK', Partii Naleraq)

Tunngavilersuut:

Utoqqaat aappaqarsimangunik aappaasup isertitai apeqqutaatinnangit utoqqalinersiuteqalernissaat Inatsisartunut siunnersuutingaara. Suliaq kinguartinneqareersoq inatsisartuni 2023-imi suliareqqinneqarmat qujanartumik Naalakkersuisunit ilalernerqarluni siusinaartumik sulisinnaajunnaarnersiutillit siunnersuummut ilanngunneqarput. Naggataatigullu inatsisartuni oqallisereernerup kingorna siunnersuutinga akuerineqarpoq.

Ajoraluartumik maanna ukiup nutaap aallartinnerani tupaallaatigisannik pakatsissutigeqisannillu paasitinneqarpunga ukiortaamiit utoqqalinersiutillit aappaasup isertitai suli apeqqutaatillugit tunniunneqartarnerat ingerlaannassoq, kiisalu aamma paasivara utoqqarnut kisimiittunut tapeq atorunnaarsinneqartussaasoq.



Jens Napãtôk, Partii Naleraq
Upernavik, 24. januar 2024

Paasisat siuliani eqqartukkakka inatsisartuni aalajangernermi siunertarinqartumut aamma utoqqaat pilersueqatigiittussaanerisa atorunnaarsinneqarnerannut naapertuutinngilluinnarput.

Taamaattumik kukkuneq piaarnerpaammik iluarsineqartariaqartoq Naleqqamiit piunasaqaatingaarput.

Tassami pissutsit taamaattut akuersaarneqarsinnaanngilluinnarput aamma utoqqarnut isumalluarsimangaluartunut pakatsinaannaratik kusanaatsuliornerupput ajorluinnartut.

Tassami akuerinearsinnaanngilaq utoqqaat ilai utoqqalinersiutiminnit ilanngaanneqartussanngoreersimapput allaat qaammammut 3000,- kr-it tikingajallungit.

Akissutit ullut suliffiit qulit qaangiutinnginnerini kissaatigineqarput.